

道友邀遊磻溪太公廟以詩辭之

自無狂興不追遊識破諸餘萬事休誰向磻溪消鬱悶閉居巖  
壑且淹留昔違海上三千里曾涉途中二十州看盡名山無限  
景大都身外沒堪酬

磻溪廟覓驢馬

聞說磻溪隱太公巖高樹客壯祠雄花朝石窟龍吟霧月夜山  
門虎嘯風萬載熊羆名不朽三春驢馬獻無窮將詩爲覓千餘  
疋染翰聊爲度日功

答宰公子許秀才

森森綠檜鎖天涯峭壁中藏野客家碧洞經年無火燭青山終

道藏輯要

磻溪集

九 又胃集三  
州曰許州

日有煙霞虛心實腹唯求飯待客迎賓不點茶自樂安閑微得  
趣門風何足向人誇

答清河氏

神明雖是落凡胎氣直終須有道材只恐丹砂臍下去重教白  
雪耳邊來如何脫免紅塵境似我登臨碧嶂臺步步嬉遊天漢  
出時時騰踏野雲開

贈涇州跛跛郎中暨劉解元

凡爲道友欲相尋不用浮財禮數欽俗物光輝難買道人情拘  
束易勞心疎慵寡學文章淺淡泊幽居歲月深相外閑愁都絕  
想雲中來聽一高吟